

Po završenom školovanju službovao je po raznim mjestima u Srbiji gdje je radio na novom premjeru.

Poslije rata bio je šef Katastarskog ureda u Bihacu, a od 1961. godine bio je kao rukovodilac katastarske službe bivšeg sreza Bihac što mu je u stvari bila i posljednja dužnost.

Iza sebe je ostavio neutješnu suprugu i četvoro djece.

Pokojni Ljubo je od prvih dana svog službovanja važio kao vrlo dobar stručnjak i kao takav ostao je do konca svoga života. Svaki njegov rad se odlikovao solidnošću i uvijek je služio za primjer mladim kolegama.

Neka je slava i hvala kolegi i drugu Ljubi Smiljaniću!

M.G.

IN MEMORIAM VELIJA ČAMPARA

22.12.1968. godine napustio nas je zauvijek jedan od vrijednih i zaslužnih naših stručnjaka geometar Velijs Čampara.

Rodjen je u Gacku 1908. godine. Nakon završene niže gimnazije diplomirao je na geometarskom odsjeku Srednje tehničke škole u Beogradu. Služio je u mnogim mjestima širom naše zemlje i radio na odgovornim i složenim geodetskim poslovima. Prije rata dugo vremena bio je šef Katastarske uprave u Konjicu i Prozoru, a iza Oslobođenja šef Ureda za katastar u Novoj Gradišci (SRH), 1960. godine došao je u Geodetsku upravu SRBIH u Sarajevo gdje je radio kao šef Arhiva planova i geodetske dokumentacije. Sa ove dužnosti 1967. godine otišao je u zasluženu mirovinu. Nažalost, nije dugo uživao zaslužene plodove svoga dugogodišnjeg rada; neumitna smrt otrgla ga je za navjek.

Pok. Velijs na svim radnim mjestima i zadacima isticao se nesebičnim zalaganjem. Gdje god je živio i radio, makar i kratko vrijeme, svojom neposrednošću i vrlinama brzo je sticao simpatije sredine. Iznad svega bio je uzoran suprug i roditelj. Zato će nam njegov svijetli lik trajno ostati u sjećanju i uspomeni.